

**TEZAUUR LITURGIC**  
**24 OCTOMBRIE**

**ACATISTUL**  
**SF. CUVIOS**  
**ZOSIMA**  
**VERHOVSKI**  
**DE LA**  
**ZOSIMOV**



**MOSCOVA, 2000**



# Акафист преподобному Зосиме Верховскому

## Кондак 1

Избранному свыше на подвиги иночества  
преподобному отцу нашему Зосиме похвальное  
приносим пение. Ты же, преподобне отче,  
предстательствуй у Престола Божия за нас,  
многогрешных чад твоих, да зовем ти: Радуйся,  
преподобне отче Зосимо, благочестия  
подвижнице.

## Икос 1

Ангелом свыше представлен бысть,  
преподобне отче Зосимо, на служение Богу, егда,  
еще во чреве твем сущу, отец твой в нощи на  
молитве услыша глас: «Сына, иже ти родитися  
имать, не учи мирским наукам, но Закону  
Божью токмо». Темже, восхваляюще тя, зовем:

Радуйся, угодниче Божий предызбранный;  
радуйся, молитвенниче и заступниче, от Бога  
нам дарованный.

Радуйся, яко житием отеческим внимал еси;  
радуйся, яко душу свою словом Божиим питал  
еси.

Радуйся, сокровище вышних разумений;

ра́дуйся, научи́вься исполне́нию  
Боже́ственных велений.

Ра́дуйся, у пеще́р преподо́бнаго Авраа́мيا  
Смоле́нскаго воспитанны́й;

ра́дуйся, послуша́ния и моли́твы де́лателью  
неуста́нный.

Ра́дуйся, преподо́бне о́тче Зоси́мо, благоче́стия  
подви́жниче.

### **Кондак 2**

Ве́дая от юности, я́ко прехо́дит о́браз ми́ра  
сего́, о́тче Зоси́мо, отрече́ся еси́ су́етнаго жити́я,  
служи́нию царю́ земно́му предпоче́т служи́ение  
Царю́ Небе́сному, да со все́ми святы́ми вопие́ши  
Бо́гу: Аллилу́иа.

### **Икос 2**

Ра́зум и́стинный от Бо́га свы́ше восприя́л еси́,  
егда́ не прельсти́ся и́мением ве́лиим, и услы́шал  
еси́ глас Бо́жий, глаго́лющ, я́ко путе́м ино́ческим  
тещи́ имаши. Те́мже и бога́тство су́етное  
ниво́чтоже вмени́л еси́, мы же зове́м ти:

Ра́дуйся, су́ете мирсте́й не подклони́вься;

ра́дуйся, о Бо́же Спа́се тво́ем возвесели́вься.

Ра́дуйся, и́мение ве́лие ра́ди Бо́га отверги́;

ра́дуйся, путь те́сный, и́мже не мно́зи  
ше́ствуют, избра́вый.

Ра́дуйся, я́ко нищету́ во́льную Го́спода ра́ди  
предпоче́л еси́;

ра́дуйся, я́ко бога́тство бла́гости Бо́жия  
восприя́л еси́.

Ра́дуйся, пре́жде всего́ Ца́рствия Небе́снаго  
иска́вый;

ра́дуйся, мно́ги труды́ любве́ ра́ди ко Го́споду  
подъя́вый;

Ра́дуйся, преподо́бне о́тче Зо́симо, благоче́стия  
подви́жниче.

### **Кондак 3**

Си́лою Бо́жиею свы́ше осенённый, весь ум  
свой, всю ду́шу и се́рдце устремил еси́ на  
служе́ние Бо́гу в зва́нии ино́честем, воспева́я  
Ему́: Аллилу́иа.

### **Икос 3**

Ре́вность по Бо́зе воспри́им, оста́вил еси́ мир и  
я́же в ми́ре, ко о́тцем пусты́нником в леса́  
Ро́славльския прите́кл еси́. И, жити́я  
подви́жникаго взыску́я, всего́ себе́ ста́рцу  
Васи́льску пре́дал еси́, да послуша́нием и  
отверже́нием себе́ Ца́рство Бо́жие  
приобря́щещи, сего́ ра́ди вопие́м ти тако́вая:

Ра́дуйся, стро́гости жити́я пусты́нникаго  
поревнова́вый;

ра́дуйся, плод послуша́ния и терпе́ния до́бре  
показа́вый.

Ра́дуйся, благослове́нием ста́рца Адриа́на в  
по́двизех утвержде́нный;

ра́дуйся, отверже́ния себѣ сама́го де́лателью  
усе́рдный.

Ра́дуйся, богому́дрых наста́вник ре́вностный  
учениче́;

ра́дуйся, отце́в Добро́толю́бия богоно́сный  
сонасле́днице;

Ра́дуйся, преѐмник и́стиннаго ста́рчества  
Бо́гом показанны́й;

ра́дуйся, от ча́д преподо́бнаго Паи́сия о́ное  
восприѐмый.

Ра́дуйся, преподо́бне о́тче Зо́симо, благоче́стия  
подви́жнице.

#### **Кондак 4**

Ве́дый преподо́бный Васи́льск, я́ко не  
подо́баёт вступа́ти в по́двиги  
пустынножи́тельства не испы́танным пре́жде в  
ино́честем о́щем жити́и, та́ко упра́ви тя, о́тче  
Зо́симо, да с со́нмом ино́к вопи́еши Бо́гу:  
Аллилу́иа.

#### **Икос 4**

Ста́рцу Васи́льску повину́йся, прите́кл еси́ во  
оби́тель Конѐвскую и та́мо в послуша́нии у  
ста́рца Адриа́на среди́ бра́тии пребы́л еси́.  
Те́мже, уди́вляюще́ся трудо́м твои́м и  
вну́тренним боро́нием во оби́тели сей, зове́м:

Ра́дуйся, ре́вность в тя́жцех трудо́х яви́вый;

ра́дуйся, послуша́ние ста́рцу твоему́  
сохрани́вый.

Ра́дуйся, крото́стию, зло препобежда́ющею,  
себе украси́вый;

ра́дуйся, плод пра́вды, соу́з добродете́лей в  
себе возрасти́вый.

Ра́дуйся, я́ко терпе́нием твои́м любо́вь в  
се́рдцы возже́гл еси́;

ра́дуйся, я́ко тщесла́вие далече́ от себе́ отгна́л  
еси́.

Ра́дуйся, уче́нием святооте́ческим внима́вый;  
ра́дуйся, па́че всех бога́тств нищету́ Христо́ву  
восприе́мый.

Ра́дуйся, преподо́бне о́тче Зоси́мо, благоче́стия  
подви́жниче.

### **Кондак 5**

Равноа́нгельнаго жити́я взыска́в, преподо́бне  
о́тче, всено́щными бде́нии, труды́, же́сткия  
власяни́цы ноше́нием плоть свою́ смири́л еси́,  
ду́хом горя́ и воспева́я Бо́гу: Аллилу́иа.

### **Икос 5**

Ве́дая, я́ко благоче́стие на вся полэ́зно есть,  
о́тче Зоси́мо, святы́х оте́ц уче́нию прилежа́л еси́,  
наипа́че же о моли́тве се́рдечней, его́же и  
пове́дал еси́ ста́рцу твоему́ Васи́лиску. Мы же, не  
иму́щии ре́вности о тако́вом де́лании, но твоим

заступлением у Бога испросити ю надеющиися,  
зовем ти:

Ра́дуйся, при нача́ле по́двига твоего́ ре́вность  
по Бо́зе показавый;

ра́дуйся, до конца́ жити́я твоего́ си́ю  
удержавый.

Ра́дуйся, я́ко непреста́нно в моли́тве пребы́вал  
еси́;

ра́дуйся, я́ко чистоту́ по́мыслов от Бо́га  
получи́л еси́.

Ра́дуйся, я́ко рукоде́лием много́различным  
прилежа́л еси́;

Ра́дуйся, я́ко те́ми мно́гих бра́тий напитал еси́.

Ра́дуйся, к трезвению́ ве́рныя приводя́й;

ра́дуйся, ро́сою благода́ти ду́ши на́ша  
исполня́й.

Ра́дуйся, преподо́бне о́тче Зо́симо, благоче́стия  
подви́жниче.

### **Кондак 6**

Дивнии подви́жницы оби́тели Коневския  
яви́шася свя́тии Зо́сима и Васи́льск, я́ко тех  
ра́ди мно́гия лю́ди притека́ху в ню. Оба́че не  
восхотéша преподо́бнии сла́вы и многолю́дства,  
но то́чию жити́я безмо́лвнаго в пусты́ни, да та́мо  
воспою́т Бо́гу: Аллилу́иа.

## Икос 6

Вѣрнии дѣлателие послушанія пребыша преподобнии Зосима и Василиск, егда исполниша благословеніе старца своего Адриана пребыти с ним во обители Коневстей, аще и вельми желаша житія пустыннаго. По отшествіи же того, отче Зосимо, во смирении от служения игуменскаго уклонился еси, да лучшее в пустынном безмолвии улужиши. Темже ти зовем:

Радуйся, от старца Василиска сотайнником нареченный;

радуйся, в противостоянии воюющим на ны страстем иноче совершенный.

Радуйся, сладость безмолвия пустыннаго вкусивый;

радуйся, постом и воздержанием плоть твою духови покоривый.

Радуйся, показавый славныя над миром, плотию и диаволом победы;

радуйся, в чистоте сохранивый монашеския обеты.

Радуйся, яко благое иго Господне с любовью понесл еси;

радуйся, яко сего ради кроток и смирен сердцем явился еси.

Радуйся, преподобне отче Зосимо, благочестия подвижнице.

## Кондак 7

Волю Божию о месте пустынного пребывания  
взыскающе, многая места испыташа святии  
Зосима и Василий, обаче не бысть воля Божия,  
да покинут старцы страну Российскую. О сем  
мы, радуящиеся, вопием Богу: Аллилуиа.

## Икос 7

Светила великая явистесь земли Сибирстей,  
преподобнии Зосимо и Василисче, егда на  
безмолвное жителство тамо преселистесь. Кто  
бо исчислит лишения и борения ваша, бдения  
же, и злострадания, яже тамо пребыша вам? Ты  
же, отче Зосимо, томимъ вельми искушениями  
диавольскими, противу имене Божия  
воздвигаемыми, от старца Васильска  
укрепляемъ, вся претерпел еси, вяцшую любовь  
ко Господу стяжав. Сего ради вопием ти:

Радуйся, пустынночиче совершенный, стрелы  
разжённыя диавольския угасивый;

радуйся, непрестанным призыванием имене  
Иисусова бесовския полки поразивый.

Радуйся, безмолвия рачителю, пустыню  
духовно плодоносивый;

радуйся, подвижническим житием твоим сию  
прославивый.

Радуйся, многажды от неминуемой смерти  
силою Божиею сохраненный.

ра́дуйся, сла́ву Бо́гу за вся возда́й подвижниче смире́нный.

Ра́дуйся, созида́ния и возо́становле́ния святы́х оби́телей до́брый ревни́телю;

ра́дуйся, чи́на жити́я ино́ческаго в тех благо́й насади́телю.

Ра́дуйся, преподо́бне о́тче Зо́симо, благо́чества подвижниче.

### **Кондак 8**

Провозвѣстницы́ пу́ти у́мнаго де́лания яви́шася в землѣ Ру́сской преподо́бнии Зо́сима и Васи́лск, егда́, в безмо́лвии то́му прилежа́ще, воспѣша Бо́гу немол́чную песнь: Аллилу́иа.

### **Икос 8**

Проси́я жити́е ва́ше, о́тцы преподо́бнии Зо́симо и Васи́лсче, не в Росси́и то́чию, но и далече́ су́щим, во о́браз жити́я всем в пусты́ни хотя́щим спасти́ся. Те́мже и послѣдующи́я подвиго́м ва́шим, тобо́ю, о́тче Зо́симо изложе́нным, пло́д мног принесо́ша, восхваля́юще тя си́це:

Ра́дуйся, благода́тныя де́йствия моли́твы у́мныя списавый;

ра́дуйся, по́двиги сомоли́твенника твоего́ ми́ру возвестивый.

Ра́дуйся, я́ко назидани́ем твои́м ве́ра мно́гих утверди́ся;

ра́дуйся, я́ко о уче́нии твоём чин ино́ческий  
возвесели́ся.

Ра́дуйся, дре́во благопло́дное, при вода́х  
пусты́нных возвра́щенное;

ра́дуйся, предста́телю наш пред Бо́гом,  
равноангельное житие показавый.

Ра́дуйся, ве́лие утеше́ние Ду́ха Свята́го  
стяжавый;

ра́дуйся, по кончи́не твоёй Ца́рство Небе́сное  
улучивый.

Ра́дуйся, преподо́бне о́тче Зоси́мо, благоче́стия  
подви́жниче.

### **Кондак 9**

Во́ли Бо́жией повину́яся, прите́кшия к тебе́  
се́стры в послуша́нии подви́зати́ся прия́л еси́. О  
сем и возда́л еси́ сла́ву Бо́гу купно со ста́рцем  
Васили́ском, я́ко обре́таются ду́ши, жела́ющия  
послужи́ти Тому́ Еди́ному. Ты́я же и до днесь  
притека́ют под кров оби́тели твоея́, вопи́юще:  
Аллилу́иа.

### **Икос 9**

Мно́гия труды́ подъя́л еси́, о́тче Зоси́мо, в  
устро́ении душ се́стр, вве́рившихся  
руководе́нию твоёму́, наипа́че же ско́рби и  
гоне́ния непра́ведная. Ты́ же вся сия́ до конца́  
претерпе́л еси́, да устро́иши спасе́ние себе́ и

приходящих к тебе. Мы же, вѣдуще, яко сего ради мзда твоя многа на Небесѣх, вопиѣм ти:

Радуйся, изгнание правды ради претерпѣвый;  
радуйся, терпением твоим нас наставивый.

Радуйся, в кротости и смирении святым многим подражавый;

радуйся, образ, како подобает претерпевати поношение и гонение, нам оставивый.

Радуйся, яко молитвами твоими сродницы твоя в чине иночестем Богу послужиша;

радуйся, яко многия сестры подражати им благопоспеша.

Радуйся, обитель во имя Одигитрии основавый Божиим смотрением;

радуйся, яко та и до ныне желающим работати Богу пристанище есть спасения.

Радуйся, преподобне отче Зосимо, благочестия подвижниче.

### **Кондак 10**

От юности твоя, отче Зосимо, девственное житие возлюбил еси, в постѣ и молитвах пребывая и благоугождая Богу, во еже быти тебе освященным сосудом Духа Святаго, всельшагося в чистое сердце твое и воздыхании неизглаголаннми научившаго тя благоприятно пѣти: Аллилуиа.

## Икос 10

Стенá Нерушима́я и Путево́дительница дивна́я  
явися́ Ма́терь Бо́жия во всем жити́и твоём,  
преподо́бне о́тче. Те́мже и пре́жде успе́ния  
твоего́ проре́кл еси́ сестра́м оби́тели своея́:  
«Ма́терь Бо́жия, Ейже аз вручи́х вас и всю  
оби́тель сию́, просла́вит и́мя Своё на ме́сте сем и  
удиви́т на вас ми́лость Свою́». Мы же, сбывше́  
сего́ зря́ще, зове́м:

Ра́дуйся, Ма́тере Бо́жия благоговейный  
служителю́;

ра́дуйся, оби́тели ино́ческаго во и́мя Ея́  
основа́телю.

Ра́дуйся, Пресвяты́я Богоро́дицы покрóвом  
осененный;

ра́дуйся, все упова́ние твоё на Цари́цу  
Небе́сную возложивый;

Ра́дуйся, в ско́рбех и ра́достех во вся дни своя́  
к Присноде́ве прибега́вый;

ра́дуйся, по отше́ствии твоём от жития́ сего́  
Бо́гом и людьми́ просла́вленный.

Ра́дуйся, я́ко в Го́рний Иерусали́м Благо́ю  
Путево́дительницею упра́влен был еси́;

ра́дуйся, я́ко сего́ ра́ди всем шесту́ющим к  
Небеси́ помо́щник от Бо́га яви́лся еси́.

Ра́дуйся, преподо́бне о́тче Зо́симо, благоче́стия  
подви́жнике.

## Кондак 11

Пѣние умилѣнное приносим ти, ѳтче Зосимо, и всеусѣрдно просим: научи ны блюсти себѣ от ожесточѣния сердѣчнаго, от разорѣния единокровнаго и от охлаждѣния дружелюбнаго, да пребудем в любви Божией, яже о Христѣ Иисусѣ, и со всеми святыми, угодившими Богу, сподобимся воспевати: Аллилуиа.

## Икос 11

Спасительнаго дѣлания наставник многомудрый воистину явился еси, богоносне ѳтче Зосимо, ты бо в писаниих твоих о дѣлании духовнем возвестил еси, о стяжании благодати Всесвятаго Духа и творении молитвы Иисусовы. Мы же ты, в бдени и молитве подвизавшагося, дондеже Господеву предаде еси святую душу твою, воспеваем:

Радуйся, богомудрыя писания добре оставивый нам в доброе назидание;

радуйся, пособниче нашему в терпении и молитве возрастанию.

Радуйся, праздности ищущих и труда бѣгающих обличителю;

радуйся, о стяжании таковыми добродетелей иноческих нелицеприимный попечителю.

Радуйся, ревностию о дѣлании молитвенном нас обогащая;

ра́дуйся, да́ры блага́сти и крото́сти нас преобража́яй.

Ра́дуйся, я́ко подви́жник иску́сен пребы́л еси́;  
ра́дуйся, я́ко о́браз пра́ваго прохожде́ния монаше́скаго жити́я яви́л еси́.

Ра́дуйся, преподо́бне о́тче Зоси́мо, благоче́стия подви́жниче.

### **Кондак 12**

Благода́ти Божество́вныя сосу́д яви́лся еси́, преподо́бне, егда́, а́ще и неду́гом ве́лиим одержи́мь бяше, непреста́нную моли́тву твори́л еси́, вопия́ Бо́гу: Аллилу́иа.

### **Икос 12**

По́двигом до́брым подви́заяся, о́тче Зоси́мо, тече́ние соверши́л еси́. Те́мже и преходя́ от ве́ка сего́ преле́стнаго, рек, я́ко в наде́жде умира́еши, восприя́л еси́ вене́ц пра́вды, его́же угото́ва Бог лю́бящим Его́. Мы же, упова́юще на предста́тельство твое́ о нас грешных ко Го́споду, вопие́м ти:

Ра́дуйся, тече́ние жити́я земна́го до́бре соверши́вый;

ра́дуйся, обетова́нная Бо́жия непрело́жне получи́вый.

Ра́дуйся, я́ко благоче́стия лампаду возже́гл еси́;  
ра́дуйся, чистоты́ ангелоподо́бныя поборо́ниче.

Ра́дуйся, богому́дрыми писа́нии твои́ми нас  
гре́шных назидáяй;

ра́дуйся, благода́тию моли́тв твои́х нас  
утешáяй и увеселя́яй.

Ра́дуйся, о́бразе благи́й, ино́честву́ющим от  
Бо́га дарова́нный;

ра́дуйся, всем призыва́ющим тя моли́твенниче  
непреста́нный.

Ра́дуйся, преподо́бне о́тче Зоси́мо, благоче́стия  
подви́жниче.

### **Кондак 13**

О, преподо́бне о́тче Зоси́мо, ны́не предстоя́й у  
Престо́ла Бо́жия, моли́ся за нас, гре́шных и  
недостойных ча́д твои́х, да моли́твами твои́ми  
избавльше́ся от страсте́й диа́вольских, вою́ющих  
на ду́ши на́ша, сподо́бимся неосу́ждено  
предста́ти пред Го́сподем и в невече́рнем дни  
Ца́рствия Его́ взыва́ти: Аллилу́иа.

### **Молитва**

О, вели́кий ста́рче, преподо́бне о́тче наш  
Зоси́мо! Кто изглаго́лет по́двиги твоя́: безмо́лвие,  
бде́ние, моли́тву непреста́нную, скорбе́й  
терпе́ние, слéзы пока́яния и всех проще́ние, во́ли  
Бо́жией всеце́лое преда́ние? Ты от ю́ности жизнь  
свою́ Христу́ посвяти́л еси́, и́мение разда́в, во  
оби́тель пусты́нную всели́лся еси́. Мно́гим де́вам,

Бо́гу уневе́стившимся, па́че отца́ ты был еси́, духо́вно их окормляя и ко спасе́нию наставляя.

И ны́не мо́лим тя, святы́й уго́днице Христо́в, мы недосто́йнии: бу́ди нам помо́щник и засту́пник, оби́тели же, тобо́ю основа́нной, утвержде́ние и покров; научи́ нас во́лю Бо́жию твори́ти, оби́ды проща́ти, ско́рби и боле́зни благоду́шно терпе́ти, да сподо́бимся и мы моли́твами твоими́ в ми́ре, любви́ и пока́нии земный путь наш соверши́ти и Ца́рствия Небе́снаго дости́гнути, иде́же ты со все́ми святы́ми воспева́еши непреста́нно Бо́га во Святе́й Тро́ице сла́вимаго, Отца́ и Сы́на и Свята́го Ду́ха. Ами́нь.

Тексты акафистов утверждены на заседании Священного Синода 28 декабря 2018 года (журнал № 127)

